

外科

癰疽

杖傷

疔毒

金鏃竹木傷

諸瘡

蟲獸傷

外傷諸瘡

治蟲獸

瘰癧癭瘤

諸毒

疹癩斑癬

諸物哽咽

折傷跌撲

本草萬方類纂

射集

萬方類纂射集

山陰宋

穆賓于甫緝

男婿吳國楨吟周

理美斯全校

外科

癰疽

深為疽淺為癰大為癰小為癰

癰腫初起

癰疽丁腫一切無名腫毒用野菊花連莖搗爛酒煎熱服取汗以渣傳之即愈腫毒及一切惡瘡稀熬

草端午采者一兩乳香一兩白礬燒半兩為末每服二錢熱

酒調下重者連進三服得汗妙腫毒初起大黃五倍子黃

蘗等分為末新汲水調塗日四五次商陸根和鹽少許搗

傳日再易之一切毒腫痛不可忍蓖麻子仁搗傳即止也

初起者荒花末和膠塗之又栝樓根苦酒熬燥搗篩以苦

酒和塗紙上貼之又栝樓根赤小豆等分為末醋調塗之

發背乳癰便毒惡瘡一切腫毒初起者並用五葉藤或根一握生薑一塊搗爛入好酒一盞絞汁熱服取汗以渣傳之即散一用大蒜代薑亦可 水中浮萍搗傳之 菜豆粉炒黃黑色猪牙皂莢一兩為末米醋調敷之皮破者油調之 暴發紅腫痛不可忍者臘糟糟之 葱汁漬之日四五度 猪胆汁和芥子末貼之日三上猪脂亦可 白芥子末醋調塗之 生蔓菁根一握入鹽花少許同搗封之日三易 蔓菁葉不中水者燒灰和臘猪脂封之 帶泥山藥蓖麻子糯米等分水浸碾傳之即散也 赤龍散用野葡萄根晒碾為末水調塗之即消也 松香入兩銅青二錢蓖麻仁五錢同搗作膏攤貼甚妙 一切毒腫不問硬軟取楸葉十重傳腫上舊帛裹之日三易當重重有毒氣為水流在葉上冬月取乾葉鹽水浸軟或取根皮搗爛傳之皆效止痛消腫食膿血勝于衆藥 桐油点燈入竹筒內薰之得出黃水即消 五倍子炒紫黑色蜜調塗之 大蝦蟇一個剝碎同炒石灰碾如泥傳之頻易 穿山甲揷入穀芒熱灰中炮焦為末二兩入麝香少許每服二錢半溫酒下 敗龜板一枚燒碾酒服四錢 癰腫未成用此拔毒水調牡蠣粉塗之乾更上 未成

膿者為牛耳垢封之即散 以熱湯頻沃之即散也 糯米

膏貼之一夜便消方見金鏃傷門金瘡癰腫條 癰疽初起

者黃蘗末和雞子白塗之乾即易又乾薑一兩炒紫礬醋調

敷四圍留頭自愈此東昌中一齋奇方也

癰腫無頭

孟詵曰三日後取葵子二百粒水吞之當日即開也 經驗方云只吞一粒即破如吞兩粒則有兩頭也

蜀葵子為末水調傳之 龍葵莖葉搗傳 蛇蛻灰猪脂和

塗 諸般癰腫新掘天門冬三五兩洗淨沙盆搗細以好酒

濾汁頓服未効再服必愈又白欬赤小豆茵艸為末雞子白

調塗之陶隱居方用白欬二分藜蘆一分為末酒和貼之日

三上又野園荑一把川山甲燒存性七分當歸尾三錢搗爛

入酒一盃絞汁服以渣敷之 赤小豆末水和塗之毒即消

散頻用有効 初起以水蛭十餘枚令啞病處取皮皺肉白

為效冬月無蛭地中掘取暖水養之令動先淨人皮膚以竹

筒盛蛭合之須臾咬啞血滿自脫更用飢者 未成者白芷

紫荊皮等分為末酒調服外用紫荊皮木蠟赤芍藥等分為

末酒調作箍藥 一切癰腫背癰附骨疽未成膿者胡荽十

個煨熟去壳槐花一兩礬末杵勻熱酒調服 一切腫毒已

成未成用水膠一兩水漬契當頭開孔貼之未有膿者自消
已潰者膿自出黃明膠一兩水半升化開入黃丹一兩煮
勻以翎掃上瘡口如未成者塗其四圍自消一切腫毒未
潰用乾人屎末麝香各半錢碾勻以豆大津調貼頭外以醋
麵作錢護之膿潰去藥荷葉中心蒂如錢者不拘多少煎
湯淋洗拭乾以飛過寒水石同臘猪脂塗之拔毒止痛諸
瘡門有瘡腫無頭一條

癰腫不破

黃葵子碾酒服一粒則一頭神效薏苡仁一枚吞
之苦酒和雀屎如小豆大傳瘡頭上即穿也

癰腫一兩為末雞子白調塗帛上貼之日二易得痛為良
腫焮熱作痛大黃末醋調塗之燥即易數易即退神方也
止痛靈寶散用鬼繫腰生竹籬陰濕石岸間絡石而生者好
絡木者無用其藤柔細兩葉相對形生三角用莖葉一兩洗
晒勿見火皁莢刺一兩新瓦炒黃甘艸節半兩大瓜蒌一個
取仁炒香乳香沒藥各三錢每服二錢水一盞酒半盞慢火
煎至一盞溫服靈鼠膏用大雄鼠一枚清油一斤煎焦滴
水不散濾再煎下炒紫黃丹五兩柳枝不住攪勻滴水成珠

下黃蠟一兩熬帶黑色成膏甕瓶收之出火毒每用攤貼去
痛而涼 癰疽腫硬烏金散治癰癰腫硬無頭不變色者米
粉四兩葱白一兩同炒黑碾末醋調貼一伏時又換以消為
度 癰疽有膿不潰箔經繩燒碾和臘猪脂傅下畔即潰不
須鍼灸 雄雀屎點塗即潰

決癰代針

蚕繭已出蛾者燒灰酒服次日即破只用一枚神效
無比 白雞翅下兩邊第一毛燒灰水服即破 雀

屎塗瘡頭即易決 白瓷器碾末傅之可代針 惡瘡癰腫
軟癰未潰者用茅針以酒煮服一針一孔二針二孔 腫毒
不破胆礬雀屎各少許點之又棘針燒灰水服一錢一夜頭
出

癰疽腫毒

一切癰腫伏龍肝以蒜和作泥貼之乾再易或雞子
黃和亦可 凡癰疽瘡瘍皆因氣滯血凝而致宜服

諸香藥引氣通血常器之云凡氣血聞香即行聞臭即逆瘡
瘍皆氣滯血聚最忌臭穢不潔觸之毒必引蔓陳正節公云
大凡疽疾多因怒氣而得但服香附子藥進食寬氣大有效
也獨勝散用香附子去毛以生薑汁淹一宿焙乾碾為細末

無時以白湯服二錢如瘡初作以此代茶瘡潰後亦宜服之
或只以局方小烏沉湯少用甘艸愈後服至半年尤妙
切癰瘡婦人妬乳乳癰小兒頭瘡浸淫黃爛熱瘡疥疽陰蝕
並用天麻艸切五升以水一斗半煮一斗分數次洗之以殺
痒 一切癰疽發背初發二日但有熱証便宜服漏蘆湯退
毒下膿乃是宣熱拔毒之劑熱退即住服漏蘆用有白茸者
連翹生黃芪沉香各一兩生粉艸半兩大黃微炒一兩為細
末每服二錢薑棗湯調下 鐵掃帚即馬蘭子同松毛牛膝
以水煎服 一切癰疽及打撲損傷未破疼痛者以生地黃
杵如泥攤在上摻木香末于中又攤地黃泥一重貼之不過
三五度即內消也 癰疽腫毒黃蜀葵花用鹽摻收斂器中
密封經年不壞每用傅之自平自潰無花用根葉亦可 連
翹艸及根各一升水一斗六升煮汁三升服取汗 紫花地
丁連根同蒼耳葉等分搗爛酒一鍾攪汁服 川烏頭炒黃
蘗炒各一兩為末唾調塗之留頭乾則以米泔潤之 一切
癰疽瘡癰用蒼絲菜或根馬蹄艸莖或子即尊也各取半碗
同芋蔴根五寸去皮以石器搗爛敷毒四圍春夏秋日換四
五次冬換二三次換時以蘼水洗之甚効 家芥子末同柏

葉搗塗無不愈者大驗得山芥更妙黃蘗皮炒川烏頭炮
等分為末唾調塗之留頭頻以米泔水潤濕重陽前取芙
蓉葉碾末端午前取蒼耳燒存性碾末等分密水調塗四圍
其毒自不走散名鐵井關癰疽赤腫米醋和蚌蛤粉塗之
乾則易之癰瘡大痛壁虎焙乾碾末油調敷之即止癰
疽惡瘡膿血不止地骨皮不拘多少洗淨刮去粗皮取細白
穰以粗皮同骨煎湯洗令膿血盡以細穰貼之立效有一朝
士腹脇間病疽經歲或以地骨皮煎湯淋洗出血一二升家
人懼欲止之病者曰疽似少快更淋之出五升許血漸淡乃
止以細穰貼之次日結痂愈癰疽惡毒番降末楓乳香等
分為丸熏之去惡氣甚妙

癰疽發背

多年烟熏壁土黃蘗等分為末薑汁拌調攤貼之更
以茅香湯調服一錢匕醋磨濃墨塗四圍中以猪

胆汁塗之乾又上一夜即消厨內倒吊塵為末以生葱極
嫩心同搗膏傅之留頭一日一換乾則以水潤之黑鉛一
斤甘艸三兩微炙瓶盛酒一斗浸甘艸乃鎔鉛投酒中如此
九度去滓飲酒醉卧即愈好光粉即水粉二兩真麻油三

兩慢火熬以柳枝急攪至滴水成珠入白膠末少許入器水
浸兩日油紙攤貼名神應膏 銀朱白礬等分煎湯溫洗却
用桑柴火遠遠炙之日三次甚效 甘草三大兩生搗篩末
大麥麵九兩和勻取好酥少許入內下沸水搜如餅狀方圓
大于瘡一分熱傳腫上以絀片及故紙隔令通風冷則換之
已成者膿水自出未成者腫便內消仍當吃黃芪粥為妙此
方神授極奇秘又一法甘艸一大兩水炙搗碎水一大升浸
之器上橫一小刀子露一宿平明以物攪令沫出去沫服之
但是瘡腫發背皆甚效 初起未成者苧根熟搗傳上日夜
數易腫消則瘥 成瘡者用龍葵一兩為末麝香一分碾勻
塗之甚善 一切背癰惡瘡用蝦蟇一個同老鴉眼睛草莖
葉搗爛傳之即散神效 痛不可忍者馬鞭艸搗汁飲之以
滓敷患處 紫花地丁草三伏時收以白麵和成鹽醋浸一
夜貼之昔有一尼發背夢得此方數日而痊 半夏末雞子
白調塗之并治乳瘡 初起微赤者括樓搗末并花水服方
寸匕 生菖蒲搗貼之瘡乾者為末水調塗之 血見愁即
地錦一兩酸漿草半兩焙當歸二錢半焙乳香沒藥各一錢
二分半為末每服七錢熱酒調下如有生者搗酒熱服以渣

敷之亦效血見愁惟雄瘡用之雌瘡不用 初起以麻油一
斤銀器煎二十沸和醇醋二椀分五次一日服盡毒氣不內
攻 苡麥麵硫黃各二兩為末并華水和作餅晒收每用一
餅磨水敷之痛則令不痛不痛則令痛即愈 菜米粉熬黑
以雞子白和塗練上剪孔貼之乾則易神效 已潰未潰用
香豉三升入少水搗成泥照腫處大小作餅厚三分瘡有孔
勿覆孔上鋪豉餅以艾列于上灸之但使溫溫勿令破肉如
熱痛即急易之患當減快一日二次灸之如先有孔以汁出
為妙 削冬瓜一大塊置患上熱則易之分散熱毒氣甚良

吳茱萸一升搗為末苦酒調塗帛上貼之并治發乳諸毒
凡人中熱毒眼花頭暈口乾舌苦心驚背熱四肢麻木覺
有紅暈在背後者即取槐花子一大抄鉄杓炒褐色以好酒
一椀淬之乘熱飲酒一汗即愈如未退再炒一服極效縱成
膿者亦無不愈此方三十年屢效者 一切癰疽發背乳癰
惡瘡不拘已成未成已穿未穿並用芙蓉葉或根皮或花或
生礬或乾礬末以蜜調塗于腫處四圍中間留頭乾則頻換
初起者即覺清涼痛止腫消已成者即膿聚毒出已穿者即
膿出易斂妙不可言或加生赤小豆末尤妙其名為清涼膏

清露散鉄箍散皆此物也 腫毒未成者用活蟾一個繫放
瘡上半日蟾必昏憤置水中救其命再易一個如前法其蟾
必踉蹌再易一個其蟾如舊則毒散累驗極效若勢重者以
蟾一個或二三個破開連肚乘熱合瘡上不久必臭不可聞
再易二三次即愈勿以物微見輕也 初作及經十日以上
腫赤焮熱日夜疼痛百藥不效者用鰕雞子一枚新狗屎如
雞子大攪勻微火熬令稀稠得所捻作餅子于腫頭上貼之
以帛包抹時時看視覺餅熱即易勿令轉動及歇氣經一宿
定如日多者三日貼之一日一易至瘡乃止此方穢惡不可
施之貴人一切諸方皆不能及但可脩擇而已 雄雞冠血
滴疽上血盡再換不過五六雞痛止毒散數日自愈 母猪
蹄一隻通草六分綿裹煮羹食之 白犬屎半升水絞取汁
服以滓敷之日再 胡燕窠土鼠坵土榆白皮栝樓根等分
為末以女人月經衣水洗取汁和傳腫上乾即易之潰者封
其四圍五日瘡 榆根白皮切清水洗搗極爛和香油敷之
留頭出氣燥則以苦茶頻潤不粘更換新者將愈以桑葉嚼
爛隨大小貼之口合乃止神效 大如盤臭腐不可近者桐
葉醋蒸貼上退熱止痛漸漸生肉收口極驗秘方也 發背

諸惡瘡糞坑底泥陰乾為末新水調敷其痛立止 背瘡呻
吟不已用新巴豆仁畧熬與蠅蜋同碾塗之斯須即痛止
口舌門口瘡口疳條下有兼治發背一方

一切癰疽

赤腫者白芷大黃等分為末米飲服二錢 紫花地
丁連根同蒼耳葉等分搗爛酒一鍾攪汁服 遠志

酒治一切癰疽發背癰毒惡候侵大有死血陰毒在中則不
痛傳之即痛有憂怒等氣攻則痛不可忍傳之即不痛或蘊
熱在內熱逼人手不可近傳之即清涼或氣虛冷潰而不斂
傳之即斂此本韓大夫宅用以救人方極驗若七情內鬱不
問虛實寒熱治之皆愈用遠志不以多少米泔浸洗搥去心
為末每服三錢溫酒一盞調澄少頃飲其清以滓傳患處
黃連枳柳等分為末以雞子清調搽之已潰未潰皆可用
癰疽疔腫惡瘡及黃疸山慈姑連根同蒼耳艸等分搗爛以
好酒一鍾濾汁溫服或乾之為末每酒服三錢 甘艸三兩
微炙切以酒一斗同浸瓶中用黑鉛一片溶成汁投酒中取
出如此九度令病者飲酒至醉寢後即愈也 國老膏預期
服之能消腫逐毒使毒不內攻功效不可具述用大橫文粉

草二斤槌碎河水浸一宿揉取濃汁再以密絹濾過銀石器
內慢火熬成膏以磁罐收之每服一二匙無灰酒或白湯下
曾服丹藥者亦解之或微利無妨一切癰疽瘡疥及赤腫
不拘善惡但以赤小豆為末水調塗之無不愈者但其性粘
乾則難揭入苧根末即不粘胡黃連穿山甲燒存性等分
為末以茶或雞子清調塗已潰未潰皆可用疔毒門有丁
毒疽瘡條

癰疽已潰

芫花根皮搓作撚插入則不生合令膿易竭也

牛

及地錦艸各一握搗其去皮插入瘡口中留半寸在外以嫩橘葉
乾隨換有十全之功也

癰腫不散

生白藥根搗貼乾則易之無生者碾末水和貼

癰疽拔膿

人乳汁和麵傅之比曉膿盡出不可近手癰疽不
破或破而腫硬無膿班蝥為末以蒜搗膏和水一豆

許貼之少頃膿出即去藥

蝕爛癰腫

及疔贅瘤瘰癧木灰四斗桑柴灰四斗石灰一斗五升以沸湯調濕

既灰淋之取汁再熬至一升投亂髮一雞子大消盡又剪五色絲投入消盡餅盛密收每以少許挑破點之煎時勿令雞犬婦人小兒見

癰疽

惡肉

石灰半斤蕎麥楷灰半斤淋汁煎成霜密封每以針弩破塗之自腐白炭灰白荻灰等分煎膏塗之蝕

盡惡肉以生肉膏貼之亦去黑子此藥只可留十日久則不效地黃三斤水一斗煮取三升去滓煎稠塗紙上貼之日

三易萌蘖灰石灰各淋取汁合煎如膏傳之能蝕惡肉亦去瘰癧此藥過十日即不中用也弩肉如眼不斂諸藥不

治此法極妙附子削如碁子大以唾粘貼上用艾火灸之附子焦復唾濕再灸令熱氣徹內即瘥治惡肉以丁香末傳

之外以膏藥護之烏金膏解一切瘡毒及腐化瘀肉最能推陳致新巴豆仁炒焦碾膏點痛處則解毒塗瘀肉上則自

化加乳香少許亦可若毒深不能收斂者宜作撚絰之不致成痛癰疽肉突烏豆五枚濃醋三升漬三日洗之日夜三

四度

癰腫毒氣

紫石英火燒醋淬為末生薑米醋煎傳之摩亦得療惡毒癰腫或連陰卵髀間疼痛掣急牽入小腹不

可忍一宿即殺人者用茴香苗葉搗汁一升服之日三四服其滓以貼腫上冬月用根此是外國神方起死回生甚驗

癰疽諸瘡

已潰未潰皆可用鹽白梅燒存性為末入輕粉少許香油調塗四圍紅內消即赤何首烏不限多少瓶

中文武火熬煎臨熟入無灰酒相等再煎數沸時時飲之其

滓焙礮為末酒煮麵糊丸梧子大空心溫酒下三十九疾退

宜常服之王不留行湯治癰疽如乳月蝕白禿及面上久

瘡去蟲止痛用王不留行東南桃枝東引茱萸根皮各五兩

蛇床子牡荊子苦竹葉蒺藜子各三升大麻子一升以水二

斗半煮取一斗頻頻洗之癰疽惡瘡楊梅諸瘡水銀一兩

朱砂雄黃各二錢半白礬綠礬各二兩半礬勻罐盛燈蓋蓋

定鹽泥固濟文武火煉升罐口掃收每以三錢入乳香沒藥

各五分酒太乙膏上貼之絕効名曰五寶霜一切癰疽發

背無名腫毒年少氣壯者用黑白牽牛各一合布包槌碎以

好醋一盞熬至八分露一宿次日五更溫服以大便出膿血
為妙名濟世散 一切癰疽初起不問發于何處用木蓮四
十九個指去毛碾細酒解開溫服功與忍冬艸相上下 馬
蹄草即蓴菜春夏用莖冬月用子就于根側尋取搗爛傳之
未成即消已成即毒散用菜亦可 一切癰疽及腸癰奶癰
赤腫未破或已破而膿血不散發熱疼痛能食者並宜排膿
托裏散用地蜈蚣草赤芍藥當歸甘艸等分為末每服二錢
溫酒下 一切毒腫已潰未潰者用鯉魚燒灰醋和塗之以
愈為度

癰瘡不合

烏麻炒黑搗傅之 石硫黃粉以筋醃揀入孔中以
瘡為度 瘡口冷滯不合以北艾煎湯洗後白膠熏

之

瘡口

太深絲爪擣汁頻抹之

經霜黃桑葉為末傅之

破蒲蓆燒灰臘月猪脂和納孔中

不拘發背一切瘡用

鱉甲燒存性碾搽甚妙 牛屎燒末雞子白和封乾即易之

神驗也

老鼠一枚燒末傅之

癰疽口冷不合鼠皮燒灰

封之

收斂癰疽貓頭一個煨爛雞子十個煮熟去白以黃

煎出油入白蠟少許調灰敷之外以膏護住神妙 一切癰

疽瘡癰疽癰惡瘡下疳瘰癧潰後外傷風寒惡汁臭敗不斂
並主之木香黃連檳榔等分為末油調頻塗之取效 癰疽
久漏瘡口冷膿水不絕內無惡肉大附子以水浸透切作大
片厚三分安瘡口上以艾灸之隔數日一灸灸至五七次仍
服內托藥自然肌肉長滿碾末作餅子亦可

石癰堅硬

如石不作膿者用蛇蛻皮貼之經宿便愈 蜀桑白
皮煮汁浴之或為末羊膏和塗之 橡子一枚以醋

于青石上磨汁塗之乾則易不過十度即平 生章陸根搗
擦之燥即易取軟為度亦治濕漏諸癰 莨若子為末醋和
傅瘡頭根即拔出 梁上塵灰葵根莖灰等分用醋和傅之
赤小豆五合納苦酒中五宿炒碾加栝樓根等分以苦酒
和塗即消并治諸癰

便癰膿血

白膠香一兩為末入麝輕粉少許搽之 便癰腫痛
貝母白芷等分為末酒調服或酒煎服以滓貼之

癰疽痔漏

蟾蜍碾末傅之日一上 水煮棘根汁洗之